



Broj: 04-40-1-129/25
Sarajevo, 10.05.2025. godine

Na osnovu dobivenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organiziranju i funkcioniranju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ
za period od 08:30 sati 09.05.2025. do 08:30 sati 10.05.2025. godine

Kantonalna uprava civilne zaštite Kantona Sarajevo: Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su 7 manjih intervencija i to: jedna intervencija na gašenju zapaljenog smeća u kontejneru, 2 intervencije zbog pojave dima u ugostiteljskim objektima i 4 obezbjeđenja pretakanja goriva na Međunarodnom aerodromu Sarajevo.

Općinski operativni centar civilne zaštite Stari Grad: Općinski štab civilne zaštite Stari Grad organizovao je 24-satno osmatranje terena na ugroženim područjima od klizišta, lokalitetima Curine njive, Knjeginjac i Bistrički potok u cilju osiguranja provođenja pravovremenih mjera zaštite stanovništva (pravovremenog upozoravanja i evakuacije, ukoliko to situacija bude zahtijevala) i infrastrukture. Uposlenici Službe civilne zaštite Općine Stari Grad Sarajevo, terenskim obilaskom navedenih lokacija dana, 09.05.2025. godine, utvrdili su slijedeće stanje:

1. Curine njive (Opština Istočni Stari Grad i Općina Stari Grad Sarajevo – Bostarići):

- Uočene su ozbiljne geološke promjene, uključujući formiranje pukotina uslijed pomjeranja tla, koje se kontinuirano šire i produbljuju.
- Prisustvo podezemnih voda dodatno destabilizira tlo, stvarajući plavne površine i uzrokujući eroziju prema stambenim objektima u ulici Ablakovina.
- Lokalitet se ocjenjuje kao najkritičniji zbog dinamičnih geoloških promjena, što zahtijeva intenzivni nadzor.

- Institut za geotehniku i geologiju Građevinskog fakulteta u Sarajevu putem odabranog izvođača radova na predmetnom lokalitetu nastavio je sa istražnim geološkim radovima na ispitivanju tla.

2. Knjeginjac (Opština Istočni Stari Grad):

- Nije zabilježeno novo odlaganje građevinskog materijala, ali je uočeno slijeganje postojećeg deponijskog materijala uz početne znakove erozije.
- Opština Istočni Stari Grad je putem izabranog izvođača radova završila izgradnju pristupnog puta do lokaliteta Curine njive, a trenutno se ne izvode radovi na drenažnim kanalima radi odvoda površinskih voda i stabilizacije terena.

3. Bistrički potok (Općina Stari Grad Sarajevo – Boguševac i Opština Istočni Stari Grad):

- Korito potoka i dalje je djelimično zatrpano zemljano-kamenim materijalom i obrušenim stablima.
- Nisu zabilježene nove degradacije, niti su poduzete mjere za uklanjanje postojećih prepreka od strane Opštine Istočni Stari Grad.
- Provođi se kontinuirani terenski nadzor radi otkrivanja potencijalnih opasnosti i sprječavanja daljnje destabilizacije.

4. Evakuacija stanovništva sa ugroženih područja:

Na osnovu Naredbi Štaba civilne zaštite Kantona Sarajevo (br. 08-40-1128-2/24 od 01.11.2024. i br. 08-40-1128-2.1/24 od 20.11.2024.), kao i Planova evakuacije Općine Stari Grad Sarajevo, Služba civilne zaštite redovno obilazi naselja Bostarići, Ablakovina i Ablakovina čikma.

U toku su procjene rizika i pripreme za eventualno izmještanje stanovništva u sigurnije objekte, koje će osigurati Općina Stari Grad Sarajevo.

Zaključak: S obzirom na dinamičnost situacije, posebno na lokalitetu Curine njive, preporučuje se nastavak intenzivnog nadzora i koordinacija sa svim relevantnim institucijama radi sprječavanja eventualnih rizika.

Iz ostalih općinskih operativnih centara civilne zaštite s područja Kantona Sarajevo, kao i od drugih davalaca informacija nisu dobivene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

Elektro distribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetske postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu na mjernoj stanici Bjelave je iznosila 10°C, vlažnost zraka 81%, barometarski pritisak 945,8 hPa.

BIHAMK: Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Zbog održavanja sportske manifestacije „Sarajevski maraton 2025“ ovog vikenda (10. i 11. 05.) mogu se očekivati obustave saobraćaja. U subotu 10.05. humanitarna utrka „Trčimo za dah“ od 11:00 do

11:45 sati održava se na relaciji Vilsonovo šetalište (kod mosta Ars Aevi)-most Suade i Olge-Zagrebačka-Grbavička-Topal Osman paše-Vilsonovo šetalište (cilj kod mosta Ars Aevi). U nedjelju 11.05. od 08:00 do 13:00 sati održava se Sarajevo maraton (maraton, polumaraton i memorijalna utra Osman Junuzović) na relaciji Vilsonovo šetalište (kod mosta Ars Aevi)-most Suade i Olge-Zagrebačka-Grbavička-Bulevar Ivice Osima-kružni tok AS- Bulevar Ivice Osima-Topal-Osman paše- Vilsonovo šetalište (kod mosta Ars Aevi cilj Memorijalne utrke)-Vrbanja-Zmaja od Bosne-Bulevar Meše Selimovića-Džemala Bijedića-Sarajevska cesta-Blažujski drum-Vrelo Bosne-Velika aleja-Srednja aleja-Stojčevac (cilj polumaratona)-Velika aleja-IV viteške brigade-Hrasnička cesta-Put Famosa-Istočno Sarajevo-Vahide Maglajlić-Bulevar Mimar Sinana-Želimira Vidovića Kelija-Olimpijska-Safeta Hadžića-Bulevar Ivice Osima-Topal Osman paše-Vilsonovo šetalište (kod mosta Ars Aevi-Cilj).

Zbog provođenja mjera osiguranja bezbjednog održavanja fudbalske utakmice (10.05.) od 15:30 do 21:00 sat obustavlja se saobraćaj u ulici Patriotske lige-obilaznica pored Olimpijskog stadiona „Asim Ferhatović Hase“ (od ulice Patriotske lige do ulice Betanija).

Defile old timer vozila u subotu 10.05. od 10:00 do 14:00 sati kretati će se na relaciji: Hotel Saraj (početak)-Bentbaša-Telali-Mula Mustafe Bašeskije-Zmaja od Bosne-Hamdije Čemerlića-Vilsonovo šetalište-Vrbanja-parking SCC (cilj), a u nedjelju 11.05. od 10:00 do 16:00 sati na relaciji: Hotel Saraj (početak)-Bentbaša-Telali-Mula Mustafe Bašeskije-Maršala Tita-Hamze Hume-Obala Kulina bana-Kulovića-Trg Susan Sontag (cilj).

Prema informacijama prikupljenih od dežurnih dispečera i informativnih službi KJKP GRAS, Centrotrans – Eurolines d.d. i JP Željeznice Federacije BiH, gradski, međugradski i željeznički saobraćaj se odvijaju po redu vožnje.

PO OVLAŠTENJU DIREKTORA
ŠEF CENTRA

Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu Štaba CZ Kantona Sarajevo
- Federalnom operativnom centru civilne zaštite
- a/a